

四庫全書

集部

欽定四庫全書

集部

滋溪文稿

目錄
卷二

詳校官庶吉士臣陳若霖

中書臣劉源溥覆勘

總校官進士臣楊懋珩

校對官中書臣范鰲

謄錄監生臣劉璠

欽定四庫全書

集部五

滋溪文稿

別集類四元

提要

臣等謹案滋溪文稿三十卷元蘓天爵撰天爵有名臣事畧已著錄外詩藁七卷文稿三十卷其詩稿元百家詩尚錄之今未見其本此為其文稿三十卷乃天爵官江浙行省叅政時屬掾高明葛元哲所編元哲字廷哲臨川

人以鄉貢第一人舉進士趙昉東山存稿中有別元哲序一篇載其行履甚詳高明字則誠永嘉人登進士第調官括蒼郡錄事趙昉又有送高則誠歸永嘉序即其人也天爵少從學于安熙然熙詩文麤野不入格天爵乃詞華淹雅根柢深厚蔚然稱元代作者其波瀾意度往往出入于歐蘓突過其師遠甚至其序事之作詳明典核尤有法度集中碑版

幾至百有餘篇于元代制度人物史傳闕畧
者多可藉以考見元史本傳稱其身任一代
文獻之寄亦非溢美虞集賦蘓伯修滋溪書
堂詩有曰積學抱沉默時至有攸行抽簡魯
史存采詩商頌併蓋其文章原本由沉潛典
籍研究掌故而來不盡受之熙也乾隆四十
三年十月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

集部五

滋溪文稿目錄

別集類四元

卷一

詞

甄處士訪山亭詞

春露亭詞

澧州通濟橋詞

贊

丞相淮王畫像贊

贈少師趙清獻公畫像贊

文丞相畫像贊

丞相史忠武王畫像贊

治書侍御史王公真贊

元帥舒魯公畫像贊

杜提學畫像贊

御史董侯易冠贊

嘉禾圖贊

千里馬圖贊

瓠冠贊

銘

遺安堂銘

儀齋銘

千載心堂銘

詩

鶴壽堂詩

千夫長梁侯壽詩

卷二

記

新城縣紫泉龍祠記

翰林分院題名記

中書參議府左右司題名記

上都廟學碑陰記

禮部題名記

歸德府新修譙門記

盱眙縣崇聖書院記

浯溪書院記

揚州路學田記

前衛新建三皇廟記

四先生畫像記

光山縣鐘樓記

卷三

記

陝西鄉貢進士題名記

慈恩寺題名記

國子生試貢題名記

七聘堂記

新樂縣壁里書院記

新城鎮東岳祠記

浙西察院題名記

江淞行省浚治杭州河渠記

新陞徐州路記

常州路新脩廟學記

鎮江路新脩廟學記

卷四

記

燕南鄉貢進士題名記

羅山縣三皇廟記

志學齋記

新城縣廟學記

新城縣學田記

文水王氏增修瑩兆記

金進士蓋公墓記

皇元贈太保趙襄穆公神道碑陰記

真定奉恩寺買田脩殿記

卷五

序

趙氏族譜序

張母節行詩序

漢泉漫槩序

西林李先生詩集序

齊乘序

御史中丞馬公文集序

曹南李時中文彙序

蔗齋詩集序

御史中丞魏忠肅公文集序

送察君白赴廣西帥府經歷序

渾源劉氏傳家集序

禹柏詩序

伊洛淵源錄序

太子贊善同公文集序

卷六

序

正學編序

濟陽文會序

宋正獻文集後序

宋翰林文集序

送韓伯敬赴杜浦巡檢序

靳先生詩稿序

曹先生文橐序

至元新格序

兩漢詔令序

性理四書序

訾君孝義詩序

送劉德剛赴三尖寨巡檢序

江西僉憲張侯分司雜詩序

卷七

碑誌

元故翰林侍讀學士贈陝西行省叅知政事

呂文穆公神道碑銘

奉勅撰

大元贈中順大夫兵部侍郎靳公神道碑銘

奉勅撰

皇元故昭文館大學士兼國子祭酒贈河南

行省右丞耶律文正公神道碑銘

元故國子司業硯公墓碑

卷八

碑誌

靜脩先生劉公墓表

元故集賢學士國子祭酒太子右諭德蕭貞

敏公墓誌銘

元故中奉大夫江浙行省叅知政事富珠哩

公神道碑銘

卷九

碑誌

元故太史院使贈翰林學士齊文懿公神道

碑銘

元故翰林侍講學士知制誥同脩國史贈江

浙行省叅知政事袁文清公墓誌銘

元故資德大夫御史中丞贈攄忠宣憲協正

功臣魏郡馬文貞公墓誌銘

卷十

碑誌

元故少中大夫江西湖東道肅政廉訪使趙

忠敏侯神道碑銘

元故御史中丞曹文貞公祠堂碑銘

故集賢大學士光祿大夫李文簡公神道碑

銘

故河東山西道肅政廉訪使贈禮部尚書王

正肅侯墓誌銘

元故少中大夫江北淮東道提刑按察使董

公神道碑銘

秘書少監王公墓誌銘

卷十一

碑誌

元故贈推誠効節秉義佐理功臣光祿大夫

河南行省平章政事高文貞公神道碑

故少中大夫同僉樞密院事郭敬簡侯神道

碑銘

元故嘉議大夫工部尚書李公墓誌銘

皇元贈集賢直學士趙惠肅侯神道碑銘

卷十二

碑誌

元故奉元路總管致仕工部尚書韓公神道

碑銘

元故陝西諸道行御史臺治書侍御史贈集

賢直學士韓公神道碑銘

元故朝列大夫開州尹董公神道碑銘

元故榮祿大夫御史中丞贈推誠佐治濟美
功臣河南行省平章政事董忠肅公墓誌
銘

卷十三

碑誌

元故翰林直學士贈國子祭酒謚文安謝公

神道碑

元故朝列大夫禮部員外郎任君墓誌銘

元故翰林直學士贈國子祭酒謚文清宋公

墓誌銘

禮部員外郎王君墓誌銘

元故奉訓大夫湖廣等處儒學提舉黃公墓

碑

朝列大夫監察御史孟君墓誌銘

故廣州路儒學教授傅君墓誌銘

卷十四

碑誌

故真定路儒學教授節軒張先生墓碣銘

安先生墓誌銘

姬先生墓碣銘

內丘林先生墓碣銘

故處士贈秘書郎烏君墓碣銘

焦先生墓表

濮州儒學教授張君墓誌銘

故靜觀處士劉君墓碣銘

張文季墓碣銘

卷十五

碑誌

元故漳州新軍萬戶府副萬戶趙公神道碑

元故國子司業贈翰林直學士輝和爾公神道

碑銘

亞中大夫山東道宣慰副使致仕張公墓誌

銘

故奉政大夫遼陽行省郎中黃公神道碑銘

皇元贈太傅開府儀同三司康靖邢公神道

碑

元故僉漕東海右道肅政廉訪司事甄君墓

碑銘

元故鷹坊都總管趙侯墓碑銘

武略將軍河南淮北蒙古都萬戶府千戶武

君墓碣銘

卷十六

碑誌

高邑李氏先德碑銘

楊氏東塋碑銘

寧晉張氏先塋碑銘

真定杜氏先德碑銘

元故贈亞中大夫東平路總管李君神道碑
元故廣寧路總管致仕禮部尚書李公墓碑
銘

卷十七

碑誌

元故通議大夫徽州路總管兼管內勸農事
朱公神道碑

元故大中大夫大名路總管王公神道碑銘

元故奉議大夫河南行省員外郎致仕贈嘉

議大夫真定路總管和公墓碑銘

元故亞中大夫河南府路總管韓公神道碑

元故正議大夫僉宣徽院事周侯神道碑銘

元故奉訓大夫冠州知州周府君墓碑

卷十八

碑誌

故曹州定陶縣尹趙君墓碣銘

右衛親軍千戶鄭君墓碑

故承務郎杞縣尹閻侯墓碑

大元贈奉訓大夫博興知州程府君墓碑銘

故承事郎象山縣尹李侯墓碑

元故承德郎真定路總管府判官趙公墓碑

銘

從仕郎慶都縣尹尚侯惠政碑銘

無極縣尹唐侯去思碑銘

卷十九

碑誌

有元旌表孝行劉君墓碣銘

元故尚醫竇君墓碣銘

元故河間路醫學教授王府君墓表

李遵道墓誌銘

元故鄱陽程君墓誌銘

楊府君墓誌銘

房山賈君墓碣銘

處士賈君墓表

故梧州幕府王長卿墓誌銘

元故奉訓大夫昭功萬戶府知事馬君墓碣

銘

萬億綺源庫知事郝君墓誌銘

卷二十

碑誌

皇元贈通議大夫滎陽郡侯鄭公神道碑

皇元封奉議大夫鉛山知州張府君墓碑

故浦東場鹽司丞楊君墓誌銘

大元贈朝列大夫秘書少監董府君墓碑銘

莘縣楊氏先塋碑銘

洛陽劉氏阡表

元故承務郎真定等路人匠總管關君墓碑

易州李氏角山阡表

故贈中順大夫中山知府郭府君墓表

卷二十一

碑誌

元故承德郎壽福院判官林公墓碑銘

元故建昌州判官蘇君墓碣銘

故贈奉訓大夫同知中山府事何君墓碑銘

有元贈奉訓大夫禮部郎中左君墓碣銘

百夫長賈君壽堂銘

金鄉劉氏阡表

彭城郡君耿夫人墓誌銘

甄母墓誌銘

甄德脩墓碣

元故贈長葛縣君張氏墓誌銘

卷二十二

行狀

默庵先生安君行狀

故昭文館大學士知太史院侍儀事趙公行

狀

榮祿大夫樞密副使吳公行狀

資善大夫太醫院使韓公行狀

元故徵士贈翰林學士謚文獻杜公行狀

卷二十三

行狀

元故叅知政事王憲穆公行狀

故資政大夫中書左丞知經筵事王公行狀

嘉議大夫江西湖廣道肅政廉訪使董公行

狀

傳

貞孝先生傳

崔孝廉傳

卷二十四

制誥

曲赦雲南詔

丞相耶律鑄妻鈕赫氏封懿寧王夫人制

冊中宮詔

祝文

三月一日特祭太廟祝文

四月時享祝文

奏告太廟祝文

皇后造冊寶破玉開篆祝文

皇后受冊寶告祀郊廟祝文

普慶寺祭三朝御容祝文

太廟脩吻獸奏告九室祝文

即位後告祭太廟祝文

長春宮設清醮青詞齋意

周公晷景殿豎柱上梁祝文

五福太乙宮上梁祝文

丞相宅豎柱上梁祝文

抄紙坊開檻祝文

印鈔庫開板祝文

七月時享祝文

十月時享祝文

表箋

元旦賀表

聖節賀表

千秋節賀箋

賀親祀太廟禮成表

賀冊中宮牋

賀登極表

賀建儲表

賀登極表

登極賀太后表

皇太后受尊號賀表

天壽節賀表

賀正旦表

大明殿秋宴教坊致語

祭文

祭默庵先生墓文

祭馬翰林祖母張夫人文

祭劉承旨文

祭王國華學士文

祭張文在教授文

祭楊府君文

策問

大都鄉試策問

私試策問

廷試漢人南人策問

擬廷試蒙古色目策問

策問

書

與西管李士興書

答達兼善郎中書

卷二十五

雜著

讀詩疑問

三史質疑

卷二十六

章疏

經筵進講賜坐

乞褒贈李延平

請詳定朝儀班序

乞增廣國學生員

建白時政五事

乞續編通制

論不可數赦

災異建白十事

乞免饑民夏稅

請保養聖躬

修功臣列傳

卷二十七

章疏

論臺察糾劾辨明之弊

建言刑獄五事

山東建言三事

論近年無辜被害之家宜昭雪改正

禁治死損罪囚

乞詳定鬪毆殺人罪

論河南脅從註誤

乞差官錄囚

卷二十八

題跋

題魯齋先生遺書後

書續夷堅志後

題丞相東平忠獻王傳

題訪山亭會飲倡和詩

題中山周氏施粟詩後

書姚君墓誌銘

跋胡編脩上京紀行詩後

題王彥禮赴鹽場司丞詩後

題諸公贈范偉可訪尋祖墓詩後

書林彥栗文彙後

書袁德平文彙後

題松廳章疏

題劉尹瑞芝詩

題黃應奉上京紀行詩後

題商氏家藏諸公尺牘歌詩後

題忠勤樓燕饗詩

題馬氏家藏宋名公尺牘後

恭跋御書奎章閣記碑本

恭書賈忠隱王褒贈制

書兩淮鹽運使傅公去思詩後

題諸公贈御史寶時中詩

題僉憲張侯異政記

跋金溪葛孝女贊

題鮮于伯機詩帖

題溫氏五世同居詩後

卷二十九

題跋

題補正水經後

跋趙子昂鮮于伯機與朱總管手書

題伊喇氏家藏軍需故牘後

書羅夫人傳後

書黃提學贈孔世川序後

題諸公贈歐陽德器詩後

書周益公荅孫季昭帖

題孫季昭上周益公請改脩三國志書槧

題國子司業硯公遺墨

跋張魏公與劉和州手帖

題畫錦堂詩遺墨

題咸淳四年進士題名

題劉光遠文槧後

題司馬溫公人物記

題孔氏家藏宋勅牒後

題杜君墓表

書吳子高詩彙後

書寇隱君傳後

題石珏畫

題諸公寄贈馬尚書尺牘後

題馬氏蘭蕙同芳圖

書容城李節婦詩後

跋三笑圖

卷三十

題跋

跋歐陽公與劉原父手書

題諸公與智叅議先生書啟

題孟天暉擬古文後

題魯齋先生手書

題襄陽重刊墮淚碑後

恭跋御賜真草千文碑本

跋延祐二年廷對擬進貼黃後

題葛氏子還俗事

題楊氏肯穫堂記後

書羅學升文槩後

題晦庵先生行狀後

書孔子及顏子以下七十二賢像

題泉州士子贈崔宗禮詩後

題兼善尚書自書所作詩後

書泰定廷試策題槩後

題白太常三歲時所書字卷

題葛賡宋淳熙三年封承務郎致仕誥

題東坡制策槩

題高昌傑氏三節堂記

題胡古愚隱趣園記

題黃太史休亭賦後

題諸公贈真定錄事司監野先明道詩後

書主簿康里君贈行詩後

題丘母周夫人貞節詩後

跋丘侯送行序後

恭書聖德頌後

欽定四庫全書

滋溪文稿卷一

元 蘓天爵 撰

詞

甄處士訪山亭詞

猗高人兮邈肥羗欲淡兮心夷卜居兮何許山隱隱兮
旁圍朝撫兮孤松久採兮秋菊招白雲兮為賓抱明月
兮同宿屐吾樂兮徜徉又何必兮空谷余亦慕兮由巢

家滋水兮滔滔歲晏兮來歸願與子兮同道遙

春露亭詞

鎮陽來郭潯沱北許有亭翼然密邇先墓草木蓊兮菲
菲雨露降兮朝晞雲冥冥兮不返鳥鵲鵲兮增悲歲時
兮來享陟彼高兮騁望感吾念兮思親悵音客兮惚恍
覽日月兮交馳寒與暑兮相依尚永延兮孫子勿俾汝
親兮鬼饑

澧州通濟橋詞

望汾陽兮嗟我涉江浦兮橫波當周行兮揭厲嗟征人
兮奈何南荆兮溽暑雲冥冥兮多雨舡舟子兮未來路
曼曼兮修阻羌申伯兮遺緒積財賦兮能予斷木兮林
中斲石兮山下造飛梁兮穹窿播惠利兮焉窮帝褒嘉
兮厥美錫天書兮九重源洄兮石腐名延兮終古爰抽
思兮詠謨蹇將遺兮行者

贊

丞相淮王畫像贊

故太傅開府儀同三司錄軍國重事贈宣忠佐
命開濟翊戴功臣太師追封淮王諡忠武巴延
有廟在杭州德化里賜田二千畝勅有司歲時
享祀至正九年春天爵拜謁祠下會守廟者模
王像勒諸石謹拜手而為之贊曰

唐失其馭晉割燕雲厯遼與金疆宇中分天生聖神將
大一統不有碩臣孰濟其用偉忠武王來自西疆入見
天庭謀猷有章明良遇合位列將相山立揚休惟民所

望帝念南土聲教弗宣孰擅國命肆姦竊權誘納叛亡
拘囚信使禮義之邦顧至如是帝赫斯怒命王專征不
亟不遲克下百城淮海無波江漢如帶壺漿來迎民莫
有害萬方入貢九有會同冠蓋衣裳共襲皇風三百餘
年天限南北偉忠武王始定于一王之功大實惟聖明
任使弗疑功烈斯成王始南邁帝有明訓曹彬不殺汝
往執訊勘定維艱嗣守尤難王克取之在克守之王廟
巍巍黼衣旒冕圖報王功國有彝典乃鑿文石肖王儀

容春秋來享瞻拜敬恭咨爾杭人以及有位尚思王功
用勸毋怠

贈少師趙清獻公畫像贊

烈烈少師直哉惟清直非為激清不近名鯁論忠言姦
諛是斥不有君子其何能國舂陵先正克倡斯文公有
絕識能知其人吳越之俗樂習華靡公脩實行聞者興
起匪第一時惇薄廉貪百世凜然當為指南

文丞相畫像贊

蚤游學宮即思盡忠入對大廷直言匪躬行都之召天命已改倡義興師奮起嶺海如人初疾委之庸醫及沾于危盧扁何施慷慨伏節從容就死表著臣則張皇人紀彼士膚敏富壽安榮肅瞻公像凜然猶生

丞相史忠武王畫像贊

贈太師推忠同德佐運功臣丞相史忠武王有祠在真定東嶽廟側歲時父老祀之惟謹復號至元之四年天爵泰官禮部始請于朝令有司

祭享民大和會乃繪王之遺像而為贊曰

世廟巍巍克大一統文武恢張賢能登用維忠武王進
拜相臣王家畿甸允惟漢人天方會通無間遐邇創業
敷治同仁一視民有寒饑相臣恤之時有安危相臣謐
之太平將洽庶績維熙天不憖遺哲人其萎肅肅遺像
百世瞻仰尚配廟廷春秋從享

治書侍御史王公真贊

猗士敬父器識宏遠挺生相門受業曹館威儀雍雍論

議侃侃蚤服繡衣著聲白簡數踐敷以在公惟正色以
持憲言有物而動有恒上無惡而下無怨蓋孝謹馴行
既遠邁乎石慶清修雅度亦擬於楊綰是謂百年世家
之範模一代儒臣之冠冕

元帥舒嚕公畫像贊

皇有多方西南邛僊獨遠聲教時作姦慝偉舒嚕公氣
剛以直肅將明詔徃臨其域休爾師徒諭以威德遠人
賓服外人承式昔漢中興將曰克國大整六師先零是

克圖形歌功垂美無極偉舒嚕公棣棣其則棣棣其則
永翼王室

杜提學畫像贊

保定杜君諱肅字彥表其為人溫粹而惠和清
介而簡靖少值父母喪獨居一室五年不茹葷
酒藹然篤行君子也嘗受學於容城劉文靖公
文靖弟子恒以百數雅愛異君及遼東烏冲內
丘林起宗三人文靖歿君輯其遺文傳焉其他

論著藏之不輕示人也保定密邇京邑仕於朝者多公卿貴人君年幾五十家居不事進取時國家方重文學士有士白衣入館閣者於是故廣西憲使張公本中書左丞郭公貫以君行義聞於朝起家助教國子歷提舉大都河南儒學君以己之所能具訓諸生晚歸於家逍遙林泉之下以終其身進士房山賈彞昔從君遊繪其遺像事之屬趙郡蘇天爵為作贊曰

欽定四庫全書

澤州文粹
卷一

介然能自持者君之行溫然而可親者君之容問學從容而不務為索隱進退廉靜而知近乎中庸嗚呼文靖之高致今固不得而見之矣觀君之意尚可想像其遺風也耶

御史董侯芻冠贊

成都董侯元章甫踐敷中外聲聞卓然至正戊子由陝西行省郎中拜監察御史所以敷陳政令之得失論列人才之賢否具載封事會國家

有事于宗廟侯服法冠佩裳泣之禮成繪為像
以傳焉趙郡蘓天爵謹述贊曰

奕奕清廟時致明禋濟濟卿士左右駿奔孰其泣止爰
命御史執憲山立克相祀事法冠戔戔佩玉鏘鏘禮儀
孔嚴鐘磬斯隍凡茲在列惟夙惟夜敬畏是伸供事靡
懈瞻候德音氣肅而溫稱是冠服允惟正人

嘉禾圖贊

昔之有國家者以仁愛育兆姓以廉能責庶官

天下尚克為治乎金世宗立國幾三十年視民如傷用賢如渴故中夏蒙昇平之治黎元無愁嘆之聲協氣橫流休徵畢至遠邇之人共稱為小堯舜是豈威權聲勢之所至歟當是時中外之臣以廉能著名者五臺張公亦其一也公歷典大郡灼有治績其繕隄防則無水害理刑獄則無冤民治錢幣則法能流通處煩劇則事悉辦集非但作興一二名進士而已公之所以能

若此者由其忠實故也是以時君屢褒賞之嗚呼世之患得患失之徒懷祿觀望一身之榮或幸保之至於子孫永遠而不衰者則未聞也公之八世孫惟仁清修自厲思振其家聲乃以嘉禾圖碑本示予蓋公為橫海軍節度使時所致之祥邑人圖而上之而史不登載豈公屏之而不使聞歟觀夫一時之治効若此豈偶然哉為之贊曰

彼嘉者禾異畝同穎地發珍祥橫海之境廉明豈弟澤
洽于民瑞慶鼎來公如弗聞治同堯舜千載一出傳於
歌謠太史是述有感斯應信不可誣草木之祥亦奚足
書二百餘年公尚有後曷以徵之忠實之報

千里馬圖贊

馬以千里名奇馬也物之奇者世不常有有則
見奇於世亦宜矣然漢文帝絕獻者而不受武
帝喜得之而作歌其遇不遇蓋如此嗟夫優游

六開食粟一石備乘御者又不必皆奇者也乃
獨有善畫者得神駿之意而寄諸毫纖馬噫亦
微矣夫畫者之難得有甚於馬之難得而知畫
者亦不減知馬者之難能故為千里馬圖贊使
好事者其覽觀焉贊曰

伯樂於馬有則識之渥注未來精鑒曷施孰是經營心
會手到托諸驪黃肆爾妙造千里之奇頃刻在前形由
人為其神在天

敝冠贊

稽古之制冠衣有常齊一其民厥德弗喪德本諸身儀
形於外服之不喪而害亦大維昔夫子其服也鄉章甫
逢掖所本不忌彼敝之生在鎮之野尊加於首以聳觀
者既質而古至簡而文尚懲奢麗三復斯言

銘

遺安堂銘

醴泉李氏遺安堂監察御史唐卿命其子進士

觀來徵銘銘曰

伊昔龐公銖視軒冕作訓遺安世克用勸林林生民孰
慎猷為弗蹈於安而履于危如彼行人棄夫周路舟楫
險巇心悸神怖爰有君子樂理循循或仕或隱垂裕後
昆執法在廷風采嶽嶽子秀而文日敏于學堂斯構矣
又大厥基既崇既安其永無墮至善攸存慎終如始咨
爾雲仍尚安汝止

儀齋銘

侍儀承奉班都知孫君鼎臣名其齋室曰儀廬
陵歐陽子為之記趙郡蘇天爵復作銘曰

堪輿肇闢聖人斯起八卦既畫謙以制禮禮貴有儀溫
溫其恭匪徒彪外實彌于中洪維國家建基龍朔功成
治定禮制攸作一時臣工正笏垂紳羽儀就列煥乎成
文郊廟王朝元會慶壽九有來賓嘆息稽首凡茲盛禮
孰其施之于今百年欽哉侍儀恭見於外直內以敬允
思聖謨表裏交正孫氏名齋肅其儀形爰述銘詩敢告

在廷

千載心堂銘

宇宙萬古民生如林道之全體實具此心唐虞三王於
穆元聖精一相傳爰及思孟孟氏云歿道其遠而匪道
遠而心焉外馳周程勃興克嗣鄒魯其學伊何敬為之
主一念之善千載同符毫釐有差千里異途卓哉楊君
燕居靜室炯炯靈臺守之勿失

詩

鶴壽堂詩

河東李生僑家真定築室以奉其母揭名鶴壽
為之賦詩曰

奕奕新堂潯水之陽于以奉母久壽且康惟此潯陽風
物淳美旨甘膳羞亦孔之備母氏壽康由克致養子職
慎修晨夕弗爽九舉之禽其色尚玄爰祝慈母惟以永
年瞻彼冀方俗儉而嗇我固不忘昊天罔極生也屬屬
肄業詩書堂構益崇其永勿墮

千夫長梁侯壽詩

皇有中夏勘定南土猛將如雲奮厥才武于時梁侯旅
力方剛被甲執殳從征遐荒嶺嶠海壖蝮虺瘴霧出入
廿年王事勞苦嗟爾師旅以殺為嬉梁侯姁姁撫寧遺
黎天相其德受福不那黃髮歸休子孫孔多伯也總戎
于江于漢仲也在廷執法侃侃皇錫封命寵于褒嘉酒
醴維醺徃告於家周有方叔漢有充國征罔不服謀罔
不克維今南疆徭人猖狂思得虎臣徃斧其吭盍即老

成爰治爰度我武惟皇九宇式廓

滋溪文稿卷一

欽定四庫全書

滋溪文稿卷二

元 蘓天爵 撰

記

新城縣紫泉龍祠記

雄州屬邑曰新城邑西北十餘里有泉出焉東流入于
巨馬水泉之北涯昔人建祠以事龍神金時刻石猶存
祠前二池清瑩可鑒毛髮冬夏不涸不溢居民相傳曰

紫泉者莫究其始名也泰定丙寅秋池水一夕色變為
紫遠近觀者異焉疾者飲之而或愈也明年有赤蛇出
于池中蜿蜒行走祠壁變化靈異蓋龍云樞府右翼屯
田官解在祠之西朝列大夫佩金符千夫長荆侯訥觀
神之異率其僚吏及祠旁耆老歲再祠之故燕南憲使
趙惠肅侯嘗尹是邑有惠政既代吏民懷思不忍其去
子孫因留家焉惠肅之子右藏庫副使道安來京師具
道荆侯事神之意且曰曩者泰定時關陝及大河南北

頻歲亢旱不雨麥禾稿死民皆菜色至煩朝廷出粟與
幣以惠活之而吾邑境比年以來春夏之交百穀芳茂
馳禱祠下甘澍輒應歲連大穰民用充羨神之功其敢
忘乎宜傳其事於永遠也余聞其言而異之嗚呼天人
相感通格無間是以古者國家脩德布政治化熙洽雨
暘時若年穀順成今新城之民獨賴神休幸無凶歲其
所以祠神以昭靈貺也亦宜哉荆侯字子辯涉獵書傳
清慎有聞向仕樞廷與先公雅厚故筆其事併作詞以

侑饗云

坎坎兮擊鼓將迎神兮水滸風肅肅兮雲興靈連蜷兮
來下奠酒醑兮肴烝女巫進兮合舞神居歆兮樂康順
年穀兮福汝儵迴翔兮揚靈霈滂沱兮九宇

翰林分院名記

至順二年夏五月翰林國史院扈從天子清暑上京自
以下題名于壁遵故事也其詞曰

昔在世祖誕惟作京臨御中國控制朝廷大駕之行歲

往觀省左肅同廬嚴慎肅正中書省密御史列卿凡百
有位冠蓋如星或以先後或以禦侮暑雨祁寒敢曰勞
苦維今天子端拱穆清怡神文藝優游治平顧余詞臣
克謹官守雍容清華論思左右儲精覃思作為文章渾
灝爾雅播敷萬方龍岡高寒灤水瀾瀾夙夜在公亦既
樂只昔人行役覽觀山川勒名于石期永弗刊矧茲陪
京官署翼翼爰著斯文聿欽厥職

中書參議府左右司題名記

先王之巡狩也蓋省觀民風設施政教非以縱遊田而
事晏樂也昔我世祖皇帝肇作兩京歲時巡幸振民布
政發號施令遠則邊徼咸畏其威近則臣庶不知其勞
是亦先王巡省之遺意歟元統三年夏五月駕幸上京
百官分司從行秋八月南遷乃錄參議府左右司官僚
姓名于壁嗚呼中書政本也天下之事屬焉相臣挈其
綱于上參佐理其務於下勝其任者蓋亦難矣昔者君
臣交修百職興起內正身心以端其本外修刑政以輔

其民故治日新而天下化矣國家自中統建元始立中書修明憲度垂八十年列聖傳序保守治平今天子聰明仁聖嗣大歷服萬幾之暇時召儒臣侍講六經禁中輔弼之臣又皆先朝勲舊吾儕幸生斯時待罪宰屬孰不欲攄其素蘊樹功于世以報明時之萬一哉夫爵祿所以勸賢也苟非賢材寧私授乎錢穀所以經費也苟非國用寧濫出乎至于刑罰之當罪興作之以時皆思止邪而禁暴節用以裕民如是庶幾克勝其任矣夫然

而君心之正元化之和禮樂之隆風俗之厚則惟大人君子所能致也方今朝廷政化更新致治之機蓋不可緩不然將見行身者以緘默保位為能任事者以便私適己為務國家何賴焉夫以上京山川都邑之盛宮室車馬之美從臣多為文詞以頌美之是不庸贅也謹述古者巡狩之事及輔相參佐之責俾來者有所觀感焉

上都廟學碑陰記

上京夫子廟學既建六十有八年尚未勒碑以紀成績

留守賀惟一始為具石教授李溥請於朝中書以聞勅
參知政事許有壬為之文卜日樹立溥復請記其碑陰
天爵曰聖人之道昭如日月不待碑而後著也獨列聖
右文隆儒之盛可不論載以傳於後歟夫以國家建黌
宮延師儒棟宇之隆籩豆之列豈徒觀美而已亦曰崇
教以範俗育材以任官為師者思所以作乎人學者思
所以脩其業庶不負朝廷興學養士之美意也維昔世
祖皇帝肇成上京北帶絕幕南控中夏宮室苑囿府庫

官署咸備天子歲一巡幸朝覲會同發號布政罔不在焉然而地大物衆民俗浩穰苟無教化俾知禮義何以爲四方之極乎今廟學既崇教養斯設將見其民涵濡治化被服儒術賢材並出以爲世用傳曰師道立則善人多善人多則朝廷正而天下治矣先是校官董昱輦雅禮樂器典籍于江南溥尤勤于執事殿廡庖湊欹傾漫漶者繕而完之祭田廟塿學廩爲兵民豪奪者理而出之春秋釋奠天子特頒薌幣而留守臣亦樂盡其力

溥北平人銳然有志於事功以廟碑未立既終更猶不忍去天爵忝貳春官庠序所當敦勸也故為之書

禮部題名記

官署顯名其制舊矣我國家自世祖皇帝始建中書統左右部未幾分部為四又分為六蓋遵成周六官之制焉而禮部實春官也秩清而任重朝廷常以勲舊之裔儒學之士膺其選然皆未有文字以誌名氏至順元年尚書馬公祖常始取禮樂合天地之化者名其廳事曰

合化刻石記其事又三年尚書宋公本復記其同官凡
官曹之典掌僚案之契合二公序述詳矣今又七年能
無紀載以續前脩而為後鑒乎嘗聞之天地奠位人列
其中事務至殷分官以治夫官制莫備于成周而春官
之任獨曰治神人和上下為人臣者惟能敬以直內則
郊社宗廟之事治而無僭妄諂佞之瀆惟能奉法不撓
則尊卑上下之分定而無陵犯乖爭之失其任不亦重
歟嗚呼凡我同列可不知所勵哉至元四年戊寅五月

己酉大中大夫禮部侍郎蘇天爵記

歸德府新脩譙門記

至元三年冬十月汝陰李侯守中知歸德府事偕監郡
鼎安戮力為治未幾政清訟簡封內無事所屬州四縣
十有一莫不趨其約束安其政令侯與監郡議修樊立
廢郡故有譙門在府治南歲久將壓侯命改為同知布
達實哩判官博囉罕推官梁思溫幕府吳興祖合議允
同共捐俸金度材庀工徹而新之經始于四年孟春落

成于是歲孟夏增崇其垣高二十有五尺廣大其屋為二十有四楹規模宏偉克稱郡制憲度政教布設于斯賓客士吏觀聽于斯至于伐鼓鳴鐘以警朝昏傳更下漏以節晝夜則又新是數器陳列于上董其役者郡吏秦弼馬德脩也走書京師請紀其事績于石嘗聞周官挈壺氏掌漏刻以正時朝廷興居咸中乎節而鼓角之制所以嚴暮警夜肅齊乎衆郡縣尤不可不備也昔有中使聞鼓更而知邑令之賢蓋為政者必于事事而致

謹然則是役之興豈徒然歟夫以內外之官近民者莫切于郡縣敷政者莫先于守令有國者尚焉今海宇承平歲久法制寬簡郡縣之吏能者舞文以黷貨下者因循以苟祿故事功墮而廉恥喪惟君子常思作新其政而後能有為也歸德為郡南控江淮北臨大河沃壤方數千里侯始下車愛其土風厚完民生樸茂第未學以成其性爾郡中又多昔賢名人遺蹟足以風礪其人振起其俗于是既新學宮兩廡像設又構三皇祠宇而微

子張巡許遠亦葺其廟招延耆儒貳其校官擇民之後
秀吏之開敏者執經授學旦聖舍菜侯率同列躬詣學
宮以程其業而吏舍河防悉加繕治侯之在官第數月
耳凡養民化俗興利補弊皆勇為之而不憚故因紀譙
門之成并書其事以告于後人焉侯為人方正有守不
畏強禦施于為政子愛其民歷典郡邑名聲流聞民咸
鏤石以頌遺愛不獨歸德之民始稱其善也雖然天下
之事豈一人所能為監郡鼎安知府李侯政固善矣非

寮案幕府同心贊輔則亦曷能至是乎嗚呼使列郡為政者皆然則治化何患乎不興斯民何患乎不被其澤也哉四年戊寅六月朔記

盱眙縣崇聖書院記

長淮之東地多平衍虎山在盱眙縣南一里石潤而土美木茂而泉潔昔人表之曰第一山蓋因其勝而名之也至元四年戊寅監縣納琳布哈勤于為政訟日清簡興學以訓諸生制雅樂以祠夫子他日耆老來告曰吾

邑在漢為臨淮郡有孔武者由國子博士來為郡守卒
于官遺愛在民民祠事之宋李祠燬于兵今吾幸生治
平之世又遇縣侯興學作士民之後秀將日益盛願即
虎山別建黌舍以廣為學之所并為祠以祀孔公不亦
可乎監縣曰是維某之責也首捐俸五百貫以倡其衆
寮案士民咸樂輸財助役是歲四月經始九月告成十
月丁酉泗州守帥邑官屬行釋奠禮黌舍在山之陰山
三級上為燕居堂以祀夫子配以充鄆沂鄒四公中為

兩廡右祀周程十儒左祀郡守孔公侑以晉侍中陳騫
等六人下為淮山堂以居其師進學齋以教其子弟庖
廚門亭咸有所合三十八楹買田四百畝給其餼廩
以孔公於夫子為十一世孫故名之曰崇聖書院乃請
于朝立師以司其教明年己卯天爵被命使憲淮東納
琳布哈為圖徵文用告來者按漢至今千餘年矣孔公
惠澤及于一方世猶崇奉而祠事之矧夫子之道衣被
天下萬世其報德報功當何如也嘗聞夫子曰君子學

道則愛人小人學道則易使也夫長民者苟能示人以
好惡之正則民之所趨向而歸于善矣今盱眙既新學
宮又廣教術將見在官者慈祥豈弟以撫其下為民者
孝弟忠信以事其上則貪暴之政化而為廉平譁訐之
俗變而為信厚斯不負縣侯建立書院之美意亦是天
爵之所望也納琳布哈登泰定四年進士時天爵以太
史屬獲與其事今持憲于斯庠序職當敦勸也故為之
書庶來者有所矜式焉嘉議大夫江北海東道肅政廉

訪使蘇天爵記

浯溪書院記

至元三年春僉嶺北湖南道肅政廉訪司事陝郡姚侯
紱按部祁陽之境舟過浯溪覽前賢之遺跡作而嘆曰
昔唐太寶之季忠烈之士奮濟時艱遂復兩京號稱中
興水部員外郎元公結作為雅頌鋪張宏休撫州刺史
顏公真卿大書其詞刻諸崖石今四百餘年過者觀其
雄詞偉畫猶足聳動惟二公風節文采可使一方之人

獨無所槩見乎零陵縣尉曾君進而言曰圭家衡山世業儒術每讀載籍見昔人言行卓卓者心慕好之況二公流風餘思在此山隅當作祠宇以奉事之并築學宮招來多士庶幾遐方有聞風而興起者矣姚侯曰善于曾君命其子堯臣獨捐家貲度材庀工不一歲告成中為大殿以奉先聖東西兩廡屬焉又于殿之左為祠以祀元公右為祠以祀顏公後為明倫堂前為三門周以崇垣規制宏偉下枕崖石前臨浯水表其額曰浯溪

書院請于行省設官以司其教曾君又割私田三百畝以廩學者是年姚侯移憲廣西明年又拜南臺都司徒來浯溪之上瞻拜學宮裴回而不忍去嘉曾君父子之用心走書維揚請記其事于石天爵少嘗讀中興頌有曰大駕南巡百寮竄身奉賊稱臣又曰功勞位尊忠烈名存澤流子孫甚矣人臣不可不知節義之為重也夫食人之祿而忘其君曾犬彘之弗若乎當天寶全盛之時中外公卿將吏可謂衆矣一旦遭值變故死社稷封

疆者僅十餘人不受偽官者二人而已何忠臣義士之難致歟然以唐室之大文皇養士之久豈果無其人歟觀夫顏公以區區平原倡義起兵討賊俾河朔諸郡復為唐有而賊不敢急攻潼關唐卒賴以中興者惟公倡義于其先也及在朝寧數進讜言李輔國遷上皇居西內首率百官問起居元帥載請奏事者先白宰相又極論其擁蔽屢忤大姦而不少悔卒為所擠以死初安史之兆亂也元公受教于其父曰汝曹逢世多故勉樹名

觀所上肅宗時議三策及說來瑱之言孝而仁者可與
言忠信而勇者可以全義則豈偷生自私者哉其為道
州刺史州經寇掠民生蕭然公奏免民所負租稅及租
庸使和市襍物十三萬緡流亡來歸者萬餘夫二公言
論治行若此像而祝之孰不曰宜嗚呼天之生材足周
一世之用方無事時人材或不克顯及臨大節決大事
則忠義材能之士始表見焉然則有天下者可不以賢
材為務乎夫學校者所以長育人材而風紀之司又所

以敦勸其教者也往年湖湘之南徭人數出為寇甚則攻城邑殺吏民朝廷屢懷柔之卒以無事當是時有若二公者臨蒞于上彼將聽命請罪之不暇又豈敢猖獗而為患乎矧其地山峻拔而水清寫其人之生孰非忠義出乎其性者哉今國家承平既久德澤涵濡雖荒服郡縣亦皆有學而部使者按臨所經又即山林勝地訪求先賢遺跡以廣為學之所則其風厲治化樂育賢材不亦重且大歟傳曰志士仁人無求生以害仁有殺生

以成仁蓋天下之事豈懷祿觀望之徒所可與謀必振
世豪傑而後能有為也士之來遊于斯學者誦聖人之
言思二公之烈尚能有所興起矣夫至元五年己卯冬
十有一月甲子具官蘇天爵謹記

楊州路學田記

維揚郡學田九萬一百九十畝比歲政弛或為豪民冒
種或妄言淪入江水或以燒瘠易其橐腴歲入不足士
始失所養焉至元四年戊寅郡侯布哈下車瞻拜學宮

敦延師儒又廣郡士以學或言餽廩弗贍侯稽舊籍檄
官屬廉敏者泰興縣尹劉節六合縣尹徐居仁偕教授
崔宗瑤分行驗視民畏郡侯之政不敢欺隱于是學田
皆復其故增多于前一萬三千一百七十畝并為田十
萬三千三百六十畝歲入有餘士獲其食而學制益脩
矣明年己卯天爵被命使憲淮東旦望趨謁朝廷退聽
諸生講誦經訓蓋亦彬彬有可觀者焉侯間來請曰郡
之學田既復舊貫恐歲遠久其籍又將無所稽考今覈

石二誌其頃畝樹于府國必有學所以明彝倫也學必有田所以育賢材也維揚號東南名郡地大物衆家給人足廟學之崇隆于古昔又有憲司臨蒞于上將見英才輩出甲於他邦然自延祐以來貢舉取士闔郡不聞一人與計偕者豈儒學之士恥于自售歟抑教養之方有所未至歟夫江淮之南其田屢畝而賦民無有閑田以自養者而維揚郡學有田十餘萬畝歲收租入若干萬石則國家興學養士之意不亦盛乎且古之為士者

所以學乎道也道也者忠於君孝于親弟于長上信于朋友之謂也後世之士有志于道德者矣有志于功名者矣其志于富貴利達者則未足與議也矧志于刀筆筐篋之習者乎嗚呼世之有官君子俾俊秀之民役役乎文法之末是豈朝廷樂育賢材之意歟蓋古之學者為己非為人也身脩于一時則道德可以表于後世矣以淮東屬郡觀之若海陵胡公瑗山陽徐公積經術德業之懿高尚孝友之風千載之下猶足儀刑後學激勵

風俗視彼富貴利達無所聞于世者為何如哉今維揚學宮既完餽廩斯足士之來遊者脩身為學能以先賢自期則庶幾不負聖朝崇尚文化之盛風紀敦勸庠序之勤及郡侯振舉政教之美矣郡侯曹出北庭貴族向為御史論列無所避及其臨民勸農脩學緝姦禁暴民便安之憲臺交薦其材古稱良二千石者侯之謂歟

前衛新建三皇廟記

世祖皇帝既一中夏休兵息民以建太平乃于畿甸之

南列置諸營環拱京都分給屯田居者佃作以為養出
者扈衛以啟行軍制肅然而有法矣於是諸營有閱兵
之所卻農之治庾廩府庫之藏田廬市井之衆而儒學
醫學亦各設官以司其教焉前衛屯營在涿州范陽縣
之境建于至元十六年而醫學之設則肇于後至元二
年也三皇之祀寓于醫學自國朝始先是衛官繪像祀
于治所簡畧弗稱至正改元副都指揮使濟南張侯元
珪分治屯田語官屬曰國家詔郡邑立三皇廟春秋祀

享如釋奠宣聖儀蓋所以崇治典遂民生也今吾衛廟
貌獨無非闕典歟乃卜吉地于宣聖廟之西凡若干畝
中為大殿翼以兩廡聖像袞服巍然以臨十大醫師侑
食左右前為神門外為靈星門共十有四楹戶牖輝煌
飭麗堅密周以崇垣樹以嘉木几席帷幙俎豆巾篚靡
不備具經始于是歲夏之孟月落成于秋之仲月董其
役者千夫長董惟恭百夫長大都閭姜惠也明年侯偕
工部侍郎郭孝基求天爵書其事于石夫以伏羲神農

黃帝開天立極德被萬世有國家者所當崇奉顧寓于
醫家者流何也善乎韓愈氏之言曰古之時人之害多
矣有聖人者立然後教之以相生養之道寒然後為之
衣饑然後為之食為之醫藥以濟其天死為之瘞埋祭
祀以長其恩愛三皇之祠寓于醫者或本于是歟蓋人
之生飲食以養其生冠服以奉其身然而風雨寒暑之
不時起居服食之無節而疾生矣矧在軍旅邊方征戍
之勞道途霜露之苦而疾之生則尤甚焉天爵忝官于

朝伏讀列聖之訓而知祖宗恤養軍士之為至也方征江南時制若曰軍前士卒有疾即命良醫治之為將帥者又當擇人侍疾而幕官一人俾常司疾俟其疾愈方聽從軍仍具數以聞驗士卒病死多寡以治司疾者罪又曰遠方戍卒代還者給文檄如路中遇疾有司驗其文檄即給藥餌不幸死者官為給其道里費命同還者以骸骨歸仍蠲其家徭役其著于甲令者則曰戍卒代還者即給行糧病者即給藥餌前途官為應援庶俾遠

征者皆得生還又曰士卒疾者日食陳米轉生他疾當
給新米以養其疾夫國家至于軍士遠者念之若此近
者可知疾者養之若此則於其生者又可知矣然則張
侯之建三皇祠宇崇高尚醫術其體列聖之心恤軍士
之實於此益可徵焉侯讀書好禮清慎有為是役也其
貨用皆侯規畫一毫無取于人故樂為之書至正有二
年三月既望之記

四先生畫像記

覃懷商庠家藏姚文獻公王文忠公許文正公商文定
公遺像天爵拜觀凜然起敬昔者世祖皇帝天縱神聖
出而為斯民主自居潛藩徵召儒宿訪求治道初無遠
邇親疎之間及踐天位建國紀元發號出令訓農興學
治歷明時征伐百蠻混一九有其功烈烜赫與古比隆
當是時材能智畧之士若四公者則有太保劉公秉忠
丞相史公天澤平章廉公希憲宋公子貞左丞張公文
謙董公文炳參政楊公果賈公居貞樞密董公文忠趙

公良弼尚書劉公肅李公昶徐公世隆內翰竇公默王公鶚董公文用郝公經太史楊公恭懿王公恂國公守敬傳曰不有君子其能國乎夫以一時功烈之盛如此而許公進說猶曰自古建國北方奄有中夏如元魏遼金惟能用漢法故享國久長今國家當行漢法齊一吾民隨時損益裁為定制篤信而堅守之不雜小人不營小利不責近效不惑浮言庶幾可以得天下之心成至治之效此文正之深思長慮度越諸公者也天爵少時

好觀前言往行是以竊取國初名公行事識之以為師
法今復得瞻四公儀形不勝高山景行之思嗚呼當中
統至元之初羣賢萃於朝廷而王文統欲以權謀功利
之說竊位希寵賴世祖聖明察其奸邪旋以罪戮然則
君子甘為君子小人徒為小人覽者不可不思也庠由
彰德儒學教授擢掾鄂省其先族出長平蓋與文定公
同譜云


光山縣鐘樓記

光州光山縣建鐘樓成耆老周德用等來請曰吾邑在
春秋為絃子之國漢曰西陽至唐初號今名宋季被邊
歲有兵戈之擾自入版圖七十餘年吾民沐皇元承平
之化始獲休息而邑之官解民廬聖賢之宮以及山川
釋老之宇亦漸脩繕完美來為長貳者又多一時之材
俊若故尹太常曲阜孔君今尹進士覃懷逮君則尤為
治之美民所不能忘者也昔逮君始至以廉律身以嚴
御史一年而政教斯舉二年而百廢皆興於是新三皇

祠及兩廡以名醫從享焉構廳事於邑北門外以為送
往迎來之所焉又於邑治東隅大建層樓懸鐘於上以
警朝昏以肅號令肇事於至正壬午之夏落成於明年
癸未之秋實為吾邑之偉觀焉凡此數役皆逮君捐俸
以倡監縣哈魯主簿趙恭竭力相之民不告勞工知用
勸惟樓之役為大宜刻石記之以示永久敢以為請予
聞光之為郡介江淮之間土厚而俗敦國家混一之初
浚儀馬公來監是州有遺愛秩滿民挽留之不忍其去

因家於光其子御史中丞魏郡文貞公以儒學仕中朝
屢與人言光山民風之淳孔君作縣之良為賦幽風亭
詩頌之因以風厲天下之為民牧者逯君乃文貞公考
士所取習知幽風之詩宜其為治之美而民不能忘也
今海宇治安時和歲豐朝廷屢下詔書遴選守令其為
民求治可謂至矣遠方下邑寧無思軀朝廷之德意以
斯民為念者歟觀逯君光山之政可知矣然則鐘鼓之
設樓觀之崇蓋所以肅衆之聽觀定民之心志則固不

可不備也彼世之貪墨苟且之徒第知重祿肥家翫歲
愒日視居官如傳舍豈不負國家侍養之恩孤斯民撫
治之望乎孔君名思迪遜君名永貞後之來者因斯文
以稽二君之政庶幾知所警懼而能興起矣夫中奉大
夫湖廣等處行中書省參知政事趙郡蘇天爵記



欽定四庫全書

卷二

滋溪文稿卷二